



IKASTETXE PUBLIKOETAKO ORDEZKARITZA-ORGANO GORENAK OSATZEKO HAUTESKUNDE PROZESURAKO OSAGARRIZKO JARRAIPIDEAK

1.-Hautatzeko pertsonak.

Ikastetxe bakoitzaren egoera kontuan hartuta, ordezkari-tza-organoren kideak zehaztapen hauen arabera hautatuko dira:

a) Ikastetxe berrietan, hau da, 2016-2017 ikasturtean egindako azken hauteskundeez geroztik sortutakoetan, Ordezkari-tza Organoren kide guztiak hautatuko dira.

b) 2016-2017 ikasturteko azken hauteskundeez geroztik izandako bategite edo integrazio prozesuaren ondorioz sortutako ikastetxeetan ere, bategite edo integrazioaren ondorioz sortutako ikastetxe berriko Ordezkari-tza Organoren kide guztiak aukeratu behar dira.

c) 2016-2017 ikasturtean egindako hauteskunde-prozesuan Ordezkari-tza Organoren kideak aukeratu ondoren, antolamendu- eta jarduera-araudiaren aldaketa onartuz Ordezkari-tza Organoren osaketan aldaketak egin dituzten ikastetxeek berriro hautatu beharko dituzte Ordezkari-tza Organoren kide guztiak.

d) 2016-2017 ikasturtean egindako hauteskunde-prozesuan Ordezkari-tza Organoren kideak hautatu zituzten ikastetxeek, ez badute Ordezkari-tza Organoren buruzko aldaketarik onartu antolamendu- eta jarduera-araudian, honako leku hutsak betetzeko kideak hautatuko dituzte:

1) Ordezkari izendapena izateko denboraldia 2018-2019 ikasturtearen lehenengo hiruhilekoan amaitzen duten ordezkari-ek edo horien ordezkoi-ek hutsik utziko dituzten leku hutsak.

2) 2016-2017 ikasturtean 4 urterako aukeratu eta orduz geroztik, edozergatik dela ere, Ordezkari-tza Organoren kide hautetsi gisa baja eragin duten ordezkari-ek sortutako leku hutsak, baja ordezkoi-ek bete behar izan ala ez. Kontuan izan behar da azaroaren 12ko 258/1996 Dekretuaren 42. artikuluen 5. paragrafoan ezarritakoari jarraiki, baja eragin duen ordezkari-ek 2020-2021 ikasturtearen hasiera arte izendatu bazen ere, bere ordezkoi-ek 2018-2019 ikasturtearen lehenengo hiruhilekoan utzi behar diola Ordezkari-tza Organoren kide izateari.

2.- Hauteskunde-prozesua arautzen duen arautegia.

Aurreko jarraipideko a, b eta c idatz-zatietan deskribatutako kasuetan kontuan hartuko da azaroaren 12ko 258/1996 Dekretuko 5. artikuluan jasotakoa. Dekretu horren bidez Euskal Autonomia Erkidegoko unibertsitateaz kanpoko herri-ikastetxeetan ordezkari-tza-organoren kideak hautatzeko eta berritzeko prozesua arautzen da (1996ko azaroaren 15eko EHAA).



Aurreko jarraipideko idatz-zatian deskribatutako kasuetan kontuan hartuko da aipatutako Dekretuko 6. eta 7. artikuluetan ezarritakoa.

Edozein kasutan ere, dagokion hauteskunde-prozesua aipatutako Dekretuko 11. artikuluan eta hurrengoetan jasotako moduan egingo da.

3.- Gurasoen elkarteak izendatutako ordezkaria.

Ikastetxeko Ordezkaritza Organo Gorenak gurasoen elkarteak izendatutako kide bat badu eta kide horren agintaldia ez bada amaitzen 2018-2019 ikasturteko lehenengo hiruhilekoan, kide horrek Ordezkaritza Organo Gorenkoa izaten jarraituko du agintaldia amaitu arte. Bestela, ikastetxean ordezkari handiena duen guraso-elkarteak bere esku izango du izendatzea sektore horrek hautatu behar duen ikasleen gurasoen lehen ordezkaria. Horretarako, komunikazioa bidaliko dio ikastetxeko zuzendariari, hautagaiak aurkezteko epea hasi baino lehen, izendatutako ordezkariaren izena adieraziz. Izendapen hori egin ezean, hauteskunde-prozesu arruntean beteko da plaza hori.

Ikasleen gurasoen hauteskunde-eroldan egongo da ordezkari hori. Lau urteko agintaldia izango du, hasiera batean behintzat, eta ikasleen gurasoen ordezkari hautatuen arrazoi berberak izango ditu kargua uzteko, eta gainera, izendatu zuen ikasleen guraso-elkartearen erabakiz ere kendu ahal izango dute kargutik.

Ikasleen guraso-elkarteak izendaturiko ordezkariak kargua utziz gero bere agintaldia amaitu baino lehen, une horretan ikastetxean ordezkari handiena duen guraso-elkarteak ordezkari bat izendatuko du. Bi hilabeteko epean izendapenik egin ezean, honako honek beteko du postu huts hori: egindako azken hauteskundeari dagokion guraso-ordezkaritzaren ordezkari zuzendako lehenak.

Edonola ere, azaroaren 12ko 258/1996 Dekretuaren 42. artikularen 5. idatz-zatian xedatutakoaren arabera, berritze partziala burutzen den arte ordezkari Ordezkaritza Organo Gorenaren kide izendatua izango da, ordezkari duen pertsonaren agintealdiak zeukan iraupena edozein izanda ere.

Ordezkaritza handieneko guraso-elkartetzat joko da ikastetxeko ikasleen guraso-kopuru handiena bazkide-tuta duena.

4.-Hauteskunde Batzordea.

Ez zuzendariak ezta zozketaz Hauteskunde Batzordeko partaide izan behar duten beste pertsonak ere, ezin diote Batzordean parte hartzeari uko egin.

Ikastetxeko zuzendaria, irakaslearen eta irakasle ez den pertsonalaren ordezkariak bezalaxe, Administrazioko langileak direla kontuan izanik, behartuta daude Hauteskunde Batzordeak ospatzen dituen bilera guztietara joatera eta dagozkien betebeharrak egitera.



Edonola, Batzordeko partaideren bat ez badago ere, Batzordeak hartutako erabaki guztiak baliogarriak izango dira.

Hauteskunde Batzordeko partaide izatea ez da izango oztoporik partaidea hautagaia izateko, eta O.O.G.a osatzeko dagokion estamentuko ordezkaria izateko.

5.- Hautagai zerrenden osatzea

Elkarte, Erakunde, edo Talde bateko kideak balira bezala aurkeztu ahal izango dira hautagaiak baldin eta Elkartea legearen arabera sortua bada eta Elkarteen Errejistroan inskribatuta badago.

6.- Ikastetxeko O.O.G.eko berezko kideak.

Euskal Eskola Publikoari buruzko Legearen 32.2 atalak xedatzen duen arabera, Zuzendaritza-Taldeko kide izateagatik Ordezkaritza-Organoren berezko kideak direnak, Zuzendaria, Ikasketa-Burua eta Idazkaria, (hizpidearekin baina boto-eskubiderik gabe), besterik ez dira.

Beraz, Gaueko Ikasketa Burua ezin daiteke, inola ere ez, ikastetxeko Ordezkaritza-Organoren berezko kide izan.

7.- Hauteskunde-prozesua egin behar ez den kasuak

Eskola-erkidegoko sektoreren batean izangaien kopurua prozesu honetan sektore horretan aukeratu behar diren ordezkariena adinakoa edo txikiagoa den kasuetan, ez da hauteskunde-prozesua gauzatu beharko eta izangai guztiak automatikoki hautetsiak izango dira, betiere lau urteko aldi baterako izendatu behar zaizkien eta bi urteko aldi baterako izendatu behar zaizkien izangaiak zeintzuk diren zehaztu behar ez bada.

Eskola-erkidegoko sektoreren bateko izangaien kopurua prozesu honetan sektore horretan aukeratu behar diren ordezkariena adinakoa edo txikiagoa denean baina lau urteko aldi baterako eta bi urteko aldi baterako aukeratu behar zaizkien izangaiak zeintzuk diren zehaztu behar baldin bada, hauteskunde-prozesua gauzatu behar da eta, azaroaren 12ko 258/1996 Dekretuak 7. artikuluan xedatutakoaren arabera, boto kopururik handiena lortzen duten izangaiei lau urterako izendatuko zaizkie eta gainontzekoei bi urterako.

8.- Irakaslegoaren ordezkarien hautapena

Lanpostua jabetzan ikastetxe batean eduki eta zerbitzu-eginkizunetan beste ikastetxe batean lanean ari diren irakasleak zerbitzu eginkizunetan dauden ikastetxeetan izango dira hautesle eta hautagarriak, eta ez dira hautesle eta hautagarriak izango lanpostua jabetzan duten ikastetxean.



Lan-eginkizunetan Administrazioako beste lanpostu batean edo zerbitzu berezietako egoeran dauden irakasleek, IRALEko liberatuek, ikasketa-baimena edo partzialki ordaindutako baimena (urte sabatikoa) dutenek, sindikatuetao liberatuek, lan-ezitasun iragankorreko egoeran dauden, edo antzeko egoera batean dauden irakasle titular guztiek, hautagai aurkezteko eskubidea izango dute. Guzti hauek, ordea, ezingo dute hautesle izan eskubide hori, Klaustroko kideak diren bitartean, ordezeko irakasleek izango dutelarik. Irakasle hauen ordezekoek es dute hautagai aurkezteko eskubiderik izango.

Liburutegia zaintzeko edo eskolaz kanpoko ekintzak egiteko lanpostuetan dauden irakasleak, edo antzeko egoeretan daudenak ikastetxearen Klaustroko kideak dira eragin guztietarako.

Bi ikastetxetan ari diren irakasleak adskripzioa duten ikastetxean izango dira hautesle eta hautagai.

Irakasle baten lanaldia osatzeko egun zatiz ari den irakasleak ez du ez hautesle ez hautagai izaerarik izango, berau irakasle titularrak bereganatuz.

Erlijioko irakasleek hautesle eta hautagai izaera izango dute adskripzioa duten ikastetxean.

Ikastetxe batera atxikituta ez dauden irakasleak, (Lurralde Ordezkaritzetara edo Berritzegunetara adskribatutakoak kasu), ezingo dira izan hautagarri ezta hautesleak ikastetxe baten.

9.- Hezkuntza-arreta osagarria ematen duen pertsonalaren ordezkari bat aukeratu behar duten ikastetxeak.

Hezkuntza-arreta osagarria emateko pertsonalaren ordezkari bat ere izango da Ordezkaritza Organo Gorenaren partaide Hezkuntza Bereziko ikastetxe espezifikoetan eta Hezkuntza Bereziko unitateak dituzten horietan.

Honako hauek joko dira hezkuntza-arreta osagarriko langiletzat: lan-kontratuko langileak, ikastetxera atxikita badaude uztailaren 4ko 186/2017 Dekretuaren eranskinean ezarritako lanpostuetakoren batean. Dekretu horren bitartez, Euskal Autonomia Erkidegoko ikastetxeetan hezkuntza-premia bereziak dituzten ikasleei laguntzeko irakasle ez diren lan-kontratudun langileen lanpostuen zerrenda onartu da.

Ekainaren 23ko 118/1998 Dekretuak, hezkuntza-premia berezietako ikasleei eman beharreko hezkuntza-erantzuna antolatzen duenak, 7. artikuluan xedatutakoaren arabera, ikasle horiek, ahal den guztietan, unitate arruntetan eskolatuko dira eta beharrezkoak direnean besterik ez dira Hezkuntza Bereziko unitateak edo ikastetxe arruntetako gela egonkorak erabiliko.

Ondorioz, **Hezkuntza Bereziko gela egonkor bat edo batzuk dituzten ikastetxeak dira Hezkuntza Bereziko unitateak dituztenak** eta berauetan hezkuntza-premia bereziak dituzten ikasleei ematen zaie bakarrik arreta, ikasle hauek ikastetxeko gela arruntetan integratuta egon gabe.



Aurreko idazatiaren barruan dauden ikastetxeetan, hezkuntza-arreta osagarria emateko pertsonalaren ordezkari batek izan beharko du Ordezkaritza Organo Gorenaren partaide.

Ordezkarri hau sartzearen ondorioz ikastetxeko OOGren osaketak Euskal Eskola Publikoaren Legeak 32.2. artikuluan edo uztailaren 6ko 201/1993 Dekretuak eskola-erkidegoko sektore desberdinei buruz ezarritako gutxienezko ehunekoak bete ezean, ikastetxearen **antolamendu eta jarduera araudia aldatu beharko da**, hezkuntza-arreta osagarria emateko pertsonalaren ordezkaria jasoko duen osaketa berri bat zehazteko. Halaber, osaketa berriak lehen aipatutako araudiak beste sektoreen ordezkariari buruz dioena errespetatu beharko du.

Ikastetxearen antolamendu eta jarduera araudia lehen aipatu den bezala aldatu behar izanez gero, berehala egin beharko da aldaketa eta, betiere, 2018ko azaroaren 14tik 16ra bitartean izango diren hauteskunde-ekitaldien aurretik. AJAren aldaketa onartu ondoren, Hezkuntza Ikuskaritzari jakinarazi beharko diozu eta honek onartutako aldaketa indarreko legeriaren arabera den ala ez erabaki beharko du.

Aitzitik, hezkuntza-premia berezietako ikasleei eman beharreko arreta ikasle horiek gela arruntetan integratuz gauzatzen duten eta behar duten arreta espezifikoaren ematen dieten ikastetxe publikoen kasuan, **ez da hezkuntza-arreta osagarria emateko pertsonalaren ordezkariarik ikastetxearen OOGn sartu beharko.**

Ondorioz, ikastetxe horietan hezkuntza-arreta osagarria emateko pertsonala ez da hauteslea, ezta hautagarria ere, ikastetxearen OOGn ordezkari egoteko eskubidea duten hezkuntza-erkidegoko sektoreetan.

10.- Administrazio- eta zerbitzuetako pertsonalaren eta, behar den ikastetxeetan, hezkuntza-arreta osagarria ematen duen pertsonalaren ordezkariak aukeratzeko prozesua.

Ikastetxearekin lan- edo administrazio-lotura duten eta irakaskuntzari lotu gabeko funtzioak betetzen dituzten pertsona guztiak hautesleak dira eta hautatu ahal zaizkie.

Langileak zerbitzuak ematen dituzten ikastetxean izango dira hautesleak eta bertan hautatu ahal izango zaizkie, Hezkuntza Lurralde Ordezkaritza bati atxikiak dauden arren.

Lanpostua jabetzan ikastetxe batean eduki eta zerbitzu-eginkizunetan beste ikastetxe batean lanean ari diren langileak zerbitzu eginkizunetan dauden ikastetxeetan izango dira hautesle eta hautagarriak, eta ez dira hautesle eta hautagarriak izango lanpostua jabetzan duten ikastetxean.

Lan-eginkizunetan Administrazioko beste lanpostu batean edo zerbitzu berezietako egoeran dauden langileek, sindikatu-eginkizunetan, lan-eginkizunetan iragankorreko egoeran dauden, edo antzeko egoera batean dauden langile titular guztiak, hautagai aurkezteko eskubidea izango dute. Guzti hauek, ordea, ezingo dute



hautesle izan eskubide hori, ikastetxeko kideak diren bitartean, ordezeko langileek izango dutelarik. Langile hauen ordezekoek es dute hautagai aurkezteko eskubiderik izango.

Bi ikastetxetan ari diren langileak adskripzioa duten ikastetxean izango dira hautesle eta hautagai.

Langile baten lanaldia osatzeko egun zatiz ari den langileak ez du ez hautesle ez hautagai izaerarik izango, berau langilele titularrak bereganatuz.

11.- Hauteskunde prozesuaren beharrezko dokumentazioa

Hauteskunde-Batzordearen gainbegirapean ikastetxe bakoitzak bere aktak eta hautatzeko txartelak presta ditzake. Nahi dutenek Hezkuntza, Hizkuntza Politika eta Kultura Sailak proposatutako akta-ereduak erabili ahal izango dituzte.

Hautatzeko txartelak hautagaien behin betiko zerrendan agertzen diren pertsonen zerrenda alfabetoaren arabera jarria eduki behar dute, inolako zehazpen edo bereizgarririk gabe, non eta ez den hautagaien bat elkarte, erakunde edo talde zehatz bateko kide gisa aurkeztu eta horrela jasota geratu hautagaien aurkezpenerako.

2018ko abenduaren 14a baino lehen, ikastetxearen Zuzendariak hauteskunde prozesuaren laburpen-fitxa beteko du eta dagokion Hezkuntza-Ikuskaritzaren Zonaldera bidaliko.

12.- Botoa postaz ematea.

Hezkuntza-komunitatea osatzen duten sektore guztien parte-hartze ahalik eta handiena lortze aldera, hautesleek postaz ere eman ahal izango dute botoa, zeina Hauteskunde Batzordearen esku izango baita hauteskundeak egiteko aurreikusi den egunaren bezperan. Hauteskunde Batzordeak zerrenda baten jasoko ditu hartutako komunikazioak, eta zerrenda hori hauteskunde-mahai bakoitzari emango zaio hauteskunde-egunean eratzten den unean bertan.

Horretarako, botoa posta-sistemaren bidez eman nahi duten hautesleek Hauteskunde Batzordeko buruari helaraziko dizkiote jarraian zehazten diren dokumentuak, gutunez, mezulariaren bitartez, edo hautesleak berak edo beste pertsona batek ikastetxean bertan entregatuz:

a) Eskabidea, hautesleak sinatuta, honako hau eskatuz: posta bidezko botoa emateko eskubidea erabiltzea. Eskabidean jaso beharrekoak: izena, abizena, nortasun agiri nazionalaren edo antzeko egiaztagiriaren zenbakia, eta boto-eskubidea hezkuntza-komunitateko zein sektoretan ematen duen.

b) Nortasun agiri nazionalaren edo antzeko egiaztagiriaren fotokopia.

c) Gutun-azal itxia, boto-txartel betea barruan duela.



Adierazitako dokumentu horiek Hauteskunde Batzordeko buruari helaraziko zaizkio, gutun-azal baten barruan. Gutun-azal horretan honako hau jarri behar da: «..... ikastetxeko Ordezkaritza Organo Gorenerako hauteskundeak. Posta bidezko botoa».

Hauteskundeak egiteko egunaren bezperara arte sar daitezke Hauteskunde Batzordean postazko botoa daramaten gutun-azalak. Gutun-azalik adierazitako epez kanpo jasoz gero, ez da botazioan sartuko.

Hauteskunde Batzordeko buruak zainduko ditu jasotako gutun-azalak hauteskunde-egunera arte, egun horretan bertan emango baitizkio hauteskunde-mahaiko buruari, modalitate horretaz baliatuz botoa eman dutenen izen-abizenak jasoko dituen zerrendarekin batera.

Aurreko guztia gorabehera, posta bidezko botoa eman duenen bat hauteskunde-egunean bertan aurkeztuz gero boto-eskubidea zuzenean erabiltzeko asmoz, posta bidezko txartela ezabatuko da. Gorabehera horren berri eman beharko da botoz-baketaren amaieran idatziko den aktan.

Botazioa amaitzeko edo ixteko jarri den ordura arte gordeko ditu hauteskunde-mahaiak postaz jasotako boto horiek, eta hautestontzian sartuko ditu amaitze edo ixte hori egiteko unean, non eta aurreko paragrafoak xedatu duenaren arabera aldeztatu ez diren.

13.- Botoa ordezkatzeari ezinezkoa da

Zuzeneko eta isilpeko sufragioz emango du botoa hautesle bakoitzak. Ezin da botoa ordezkatu.

Vitoria-Gasteiz, 2018ko urriaren 4an

HEZKUNTZA SAILBURUORDEA

Izp.: Miren Maite Alonso Arana